



Te na partida combatüda é la scuadra da La Val stada buna de concuisté trëi punć d'ôr cun n gol segné da Adrian ala fin dl secundo tëmp. Bel tl pröm tëmp à i sogadus ladins manacè de réalisé plö goi y de stlü inscio jö la partida.

La partida mët man cun la scuadra da La Val al atach, le pressè y le druch vëgn bel defata premié.

Dô la cher d'ora à Max Nagler sön le pé la maiù ocajiun a sbloché le resultat: Le atacant Emanuel D. salta le defensur y preparëia n bel pasaje amez por Max che röia adalerch. La bela trata a bòt sigü vegn desfantada cun na bela parada dal vedaporta, le pal vëgn ćiamò n iade devié de cé dal medemo mo röia de püch dlungia sach ia. Atira dô é ćiamò le verdaporta da Valdaora che mëss se destrà por devié fora na bela puniziun tl'incrujada da përt de Freddy.

Dan la palsa él ciamò da alzè fora n'ocaijun d'ôr de Michi, indô él Emanuel che mët le pal amez mo la trata debla de Michi vëgn architada sö.

An va ala palsa sön le 0 a 0.

Tl secundo tëmp é i sogadus dl Valdaora che se fej prigorusc suradöt sön aziuns standard, Sepl K. defènn bun la porta y ne lascia nia sciampè la cogora te rëi. Protagonist dl secundo tëmp é ince stè in chësta dumënia l'arbiter, influenzè dai scrai dl publich y dai sogadûs, deplü dezijiuns é gnüdes tutes cuntra la scuadra ladina.

Ti ultimi 20 menüć é indô i sógadus de Floriani che sorantôl le sceter dla partida y dà dant le ritm. Püch dô ti gareta a Emanuel na bela ocajiun da gol, cun gran furbizia él bun de controlè de piet la cogora lungia de Michi, al salta le defensur y va a contluijun cun na trata basa che ti röia avisa tles mans al verdaporta.

Al 86ejim é spo le atacant Adrian M., apëna rové frësch te čiamp, che pënsa a segné le gol dl vantaje. Sön na combinaziun danter le defensur dl Valdaora y le verdaporta, ti sciampa a chësc ultim le pal danfora y Adrian asvélty bun dl antizipé y de spizuré insciö le pal te rëi. Cun le pal che cogora bel plan te sach s'à concretisé la secunda devënta por la scuadra da La Val. (ss)

Valdaora – La Val 0 - 1

La scuadra da La Val süga la proscima partida de campionat in domënia ai 14 de setember dales 15:30 a La Val cuntra la scuadra da Neustift.

Chësc mercui süga La Val la partida de Copa de retüda te ciasa cuntra le Mühlwald. Sughé vëgnel dales 20:00!

Formaziun La Val: 1. Sepl Kantioler, 2. Elmar Valentin (dal 70[^] Egon Frenes), 3. David Moling, 4. Paolo Vallazza, 5. Marco Castlunger, 6. Freddy Sottara 7. Michi Frenes (dal 65[^] Alexander Miribung), 8. Max Nagler (dal 45[^] Felix Nagler), 9. Emanuel Dorigo, 10. Stefan Sottara – capitán, 11. Alex Elzenbaumer (dal 75[^] Adrian Miribung)

Alenadù: Floriani Claudio

Sostituziuns:

Felix Nagler gönü ite imped Max Nagler (45[^] menüt)

Alexander Miribung gnü ite imped Michi Frenes (65th menüt)

Egon Frenes gnü ite imped Elmar Valentin (70th menüt)

Adrian Miribung gnü ite imped Alex Elzenbaumer (75th menüt)

Resultaċ dles atres partides: [RESULTA Č](#)

Insëra, mercui ai 23 de aurì él gnü sughé l'andata dla semifinala de Copa Provinzia cuntra la scuadra da Ritten, che süga le campionat trés te 3 categoria mo te n ater girone. La scuadra da La Val à incuntè na scuadra sterscia, che à lascè udëi sües cualitès portan a ciasa la devënta por 2 a 0. Ai 7 de mà gnaral sughé le ritorno sön le čiamp dl Ritten.